

SCHISSTÄG

was hani hie, für ne alternative
wiso wot niemer mini sorge begriife
gibe am morge mis läbe us der hand
für ne tag, u i frage mi ständig

wo bi ni i 10jahr. immer no am gliiche ort
wos mir nid gfällt u woni ohni perspektive
irgendeis am ne härzinfarkt oder
us luter längerwile stirbe.....

es isch no wit wäg
nume hani halt, sone angst wo mi verschlingt
das si die schisstätig
wo alles steit u fallt, u me vergisst wie öppis glingt
hani e zuekunft oder isches hie
nume der ahfang vo mim änd
sueche der uswäg us däm tüüfelskreis
wo mini guete gfüehl verdrängt

natürlech isch nüt im läbe gratis
u natürlech isches äbe nid us smartis
aber mängisch längt das eifach nid, de stahni näbe mir
u wett am liebste nume schreie

i mues mi jede morge zwinge
u jede tag e neui usred finde
wiso chani nid eifach härestah
wi i mers vorgnoh ha, u mi befreie

i gibe mir die ganzi schuld
es wär doch eigentlich nid schwär
mal chli der arsch z bewege mir z überlege
wie lang das scho so geit
ja klar, i ha no zyt
der supergau dä schiint no wit
unüberleit das isch nid gschiid
u gliich ischs irgendeis verby
u i ha angst es sig scho gly